

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**OPĆINA VAREŠ**  
**OPĆINSKO VIJEĆE**



**Broj: 01-263/17**  
**Vareš, 28.12.2017. godine**

**Z A P I S N I K**  
**sa 12. sjednice Općinskog vijeća Vareš,**  
**održane 30.11. 2017. godine**

Kenan Kamenjaš – predsjedavajući Općinskog vijeća Vareš, otvorio je 12. sjednicu s početkom u 15,00 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ajanović Mirnes, Čizmo Adis, Džafo Dženan, Fatić Ilhana, Islamović Emir, Kamenjaš Alma, Kamenjaš Kenan, Kevrić Đemo, Mario Marošević, Mirčić Mario, Muftić Safeta, Mušanović Nedžad, Riđić Kruno, Romić Branko, Rožajac Elvir, Šimić Igor, Šimić Nikola i Turki Fadila.

**Odsutni:** Muftić Anel.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici općinskog načelnika – gosp. Čedomir Jelić i gosp. Ermin Musa, ispred Službe za privredu, finansije i trezor gosp. Stela Andrić i gosp. Boro Anđić, ispred ŠPD ZDK - gosp. Mahira Brkić, zamjenik općinskog pravobranioca - gosp. Damir Arnautović, ispred OSCE - gosp. Daut Bajramović, predsjednici političkih partija i predstavnici medija.

Sekretar OV Leon Pavlović izvijestio je Vijeće o zaključcima i odgovorima na postavljena vijećnička pitanja sa 11. sjednice OV održane 30.10. 2017. godine. Na 11. sjednici OV je donijelo jedan (1) zaključak koji je u toku realizacije. Postavljeno je sedamnaest (17) vijećničkih pitanja. Na sva pitanja dostavljeni su pismeni odgovori podnosiocima vijećničkih pitanja i na neke dat je usmeni odgovor na sjednici od strane Općinskog načelnika.

Općinski načelnik gosp. Zdravko Marošević u okviru aktuelne problematike na području općine Vareš za današnju sjednicu u svom obraćanju izvijestio je prisutne o redovnim aktivnostima organa uprave Općine Vareš. Izvijestio je Vijeće o aktivnostima u vezi prijema u radni odnos zamjenika općinskog pravobranioca u Općini Vareš i upoznao prisutne da je Vlada FBiH donijela Odluku o raspodjeli sredstava tekućih transfera drugim nivoima vlasti, kojom je Općini Vareš dodijeljeno 1.000.000 KM kao finansijska pomoć, te da se sredstva troše u skladu sa principima restriktivne budžetske politike. O istom je dao pojašnjenje u kome je izvijestio Vijeće o određenim dugovanjima Općine Vareš i načinu njihovog izmirenja.

**adresa:** Zvijezda 34, 71330 Vareš  
**identifikacijski broj:** 4218285300002  
**depozitni račun Unicredit banka:**  
3380002210017420

**tel.:** 00387 32 848 100;  
**fax:** 00387 32 848 150;  
**web:** www.vares.info  
**e-mail:** vares@bih.net.ba



## *(Vijećnička pitanja)*

### **Elvir Rožajac**

1. Kada će se izvršiti postavljanje ležećih policajca koji će odgovarati kompletnoj širini ceste, jer ovi koji su sada postavljeni, predstavljaju opasnost za savjesne vozače, kao i za prolaznike? (o postavljenom pitanju dao je dodatno obrazloženje).

### **Mirnes Ajanović**

2. Pitanje uputio Općinskom načelniku: Šta se do sada učinilo na rješavanju problema, koji se odnosi na devastaciju lokalnih puteva i putne mreže na području općine, a koju uzrokuje sječa i eksploatacija šume? (o postavljenom pitanju dodatno obrazloženje)

### **Kruno Ridić**

3. Pitanje uputio Općinskom načelniku: Obzirom da se bliže praznici, da li imate neki plan i program na osnovu kojeg biste ugostili naše građane koji žive u inostranstvu, a sve u cilju investiranja u grad? (o postavljenom pitanju dao je dodatno obrazloženje).

### **Fadila Turki**

4. Pitanje uputio Općinskom načelniku: Da li postoji mogućnost postavljanja gelendera na lokaciji od zgrada S1, S2 i S3 do pruge i u ulici „Nikovac“? (o postavljenom pitanju dala je dodatno obrazloženje)

### **Branko Romić**

5. Kada će se riješiti problem rasvjetnog mjesta u naselju Sprečkići, koje se nalazi u MZ Vareš Majdan? (o postavljenom pitanju dao je dodatno obrazloženje)
6. Pitanje uputio Predsjedavajućem i nadležnoj službi: Kada će se riješiti problematika koja se odnosi na sastav Etičke komisije, tako da sastav iste bude u skladu sa Etičkim kodeksom, a samim tim i u skladu sa Statutom Općine Vareš i Poslovníkom o radu Općinskog vijeća?

### **Demo Kevrić**

7. Kada će se izvršiti dovoz posipnog materijala za sve putne pravce na području općine Vareš? (o postavljenom pitanju dao je dodatno obrazloženje).
8. Kada će se očistiti otpadni materijal od bunkera, koji se nalazi na ulazu u Vareš? (o postavljenom pitanju dao je dodatno obrazloženje).

Općinski načelnik dao je usmene odgovore na postavljena vijećnička pitanja.

Predsjedavajući OV stavio je na raspravu Zapisnik sa 11. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 11. sjednice OV i nakon izjašnjavanja vijećnika konstatuje da je **jednoglasno sa (18 glasova „ZA“) usvojen Zapisnik sa 11. sjednice OV.**

Predsjedavajući OV stavio je na raspravu prijedlog dnevnog reda za 12. sjednicu OV koji je usaglašen na Kolegiju Općinskog vijeća.

Ispred ovlaštenog predlagača, pomoćnik načelnika Ermin Musa predložio je dopunu dnevnog reda sa tačkom 10. „Prijedlog Rješenja o preuzimanju građevinskog zemljišta od MZ Stupni Do“. O istom je dao pojašnjenje.

Predsjedavajući OV stavio je na izjašnjavanje prijedlog dopune dnevnog reda današnje sjednice sa tačkom 10. „Prijedlog Rješenja o preuzimanju građevinskog zemljišta od MZ Stupni Do“.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) usvojena** dopuna dnevnog reda 12. sjednice.

Predsjedavajući OV stavio je na izjašnjavanje prijedlog dnevnog reda za 12. sjednicu OV sa prihvaćenom dopunom dnevnog reda.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) usvojen sljedeći**

#### *Dnevni red:*

1. Prijedlog Rješenja o imenovanju zamjenika općinskog pravobranioca u Općinskom pravobranilaštvu Općine Vareš.  
- Izvjestilac: Općinski načelnik.
2. Prijedlog izmjena i dopuna proračuna/budžeta Općine Vareš za 2017.godinu.  
- Izvjestilac: Općinski načelnik.
3. Prijedlog Odluke o izmjeni Odluke o izvršenju proračuna/budžeta Općine Vareš za 2017. godinu.  
- Izvjestilac: Općinski načelnik.
4. Nacrt proračuna/budžeta Općine Vareš za 2018.godinu.  
- Izvjestilac: Općinski načelnik.
5. Nacrt Odluke o izvršenju proračuna/budžeta Općine Vareš za 2018.godinu.  
- Izvjestilac: Općinski načelnik.
6. Prijedlog Odluke o vrijednosti boda komunalne naknade za 2018.godinu.  
- Izvjestilac: Ermin Musa.

- 7.** Prijedlog Odluke o gubitku javnog dobra u općoj upotrebi.
  - Izvjestilac: Ermin Musa.
  
- 8.** Prijedlog Odluke o zastavi Općine Vareš i načinu njene upotrebe.
  - Izvjestilac: Općinski načelnik.
  
- 9.** Prijedlog Odluke o raspisivanju izbora za članove Savjeta mjesne zajednice Strica-Zaruđe.
  - Izvjestilac: Čedomir Jelić.
  
- 10.** Prijedlog Rješenja o preuzimanju građevinskog zemljišta od MZ Stupni Do.
  - Izvjestilac: Ermin Musa.
  
- 11.** Prijedlog Zaključka o prihvaćanju Dokumenta – „ Studija izvodljivosti za zaštitu područja planine Zvijezde, Općina Vareš.“
  - Izvjestilac: Općinski načelnik.
  
- 12.** Izvještaj o realizaciji strategije razvoja lokalnih cesta i srednjoročnog programa održavanja, zaštite, rekonstrukcije, izgradnje i obnove javnih cesta.
  - Izvjestilac: Ermin Musa.
  
- 13.** Izvještaj o realizaciji programa rekonstrukcije, izgradnje i obnove lokalnih cesta za 2017.godinu.
  - Izvjestilac: Ermin Musa.
  
- 14.** Informacija o realizaciji projekta infrastrukture na području općine Vareš za 2017.godinu.
  - Izvjestilac: Ermin Musa.
  
- 15.** Informacija o realiziranim projektima deminiranja kao i preostaloj sumnjivoj površini na području Općine Vareš.
  - Izvjestilac: Rusmir Berberović.
  
- 16.** Informacija o postignutom uspjehu u školskoj 2016/2017.godini u OŠ „ Vareš“, OŠ „Vareš Majdan“ i MSŠ „Nordbat-2“ Vareš.
  - Izvjestilac: Čedomir Jelić.
  
- 17.** Tekuća pitanja.

### **Ad. 1.**

*(Prijedlog Rješenja o imenovanju zamjenika općinskog pravobranioca u Općinskom pravobranilaštvu Općine Vareš.)*

Komisija za izbor i imenovanja na 3. sjednici održanoj 30.11.2017. godine jednoglasno je donijela sljedeći Zaključak:

- Komisija prihvaćeni Prijedlog Rješenja o imenovanju zamjenika općinskog pravobranioca u Općinskom pravobranilaštvu Općine Vareš upućuje Vijeću na razmatranje i izjašnjavanje.

Otvorena je rasprava u kojoj su učestvovali Općinski načelnik Zdravko Marošević koji je dao dodatno pojašnjenje za ovu tačku dnevnog reda i vijećnik Mirnes Ajanović.

Predsjedavajući OV stavio je na izjašnjavanje Prijedlog Rješenja o imenovanju zamjenika općinskog pravobranioca u Općinskom pravobranilaštvu Općine Vareš.

Nakon izjašnjavanja vijećnika predsjedavajući OV konstatuje da **je jednoglasno sa (18 glasova „ZA“) usvojeno**

### ***Rješenje o imenovanju zamjenika općinskog pravobranioca u Općinskom pravobranilaštvu Općine Vareš.***

Predsjedavajući OV pozvao je gosp. Damira Arnautovića da pristupi davanju i potpisivanju Svečane prisege.

Nakon davanja i potpisivanja Svečane prisege zamjenik općinskog pravobranioca u općinskom pravobranilaštvu Općine Vareš gosp. Damir Arnautović obratio se Vijeću i upoznao sa kratkom biografijom.

### **Ad. 2.**

*(Prijedlog Izmjena i dopuna proračuna/budžeta Općine Vareš za 2017.godinu.)*

Komisija za privredu, finansije i budžet na 6. sjednici održanoj 21.11.2017. godine sa 3 glasa „ZA“ , 1 glasom „PROTIV“ i 1 „SUZDRŽANIM“ glasom donijela je sljedeći Zaključak:

- Komisija sugerše da se prilikom planiranja Prijedloga budžeta za 2018. godinu obrati pažnja na planiranje sredstava za stavke koje imaju velika odstupanja od planiranog (utrošeno više sredstava od planiranog), te da skrene pažnja na trošenje tih sredstava.
- Komisija upućuje Vijeću na razmatranje Prijedlog izmjena i dopuna proračuna/budžeta Općine Vareš za 2017.godinu

Otvorena je rasprava u kojoj su svoje stavove, sugestije, prijedloge, primjedbe i mišljenja iznijeli vijećnici: Emir Islamović, Safeta Muftić, Krno Ridić, Branko Romić, Đemo Kevrić, Mario Mirčić i Općinski načelnik Zdravko Marošević koji je dao dodatno pojašnjenje i odgovorio na neka pitanja vijećnika postavljena u raspravi.

Zaključena je rasprava i predsjedavajući OV stavio je na izjašnjavanje Prijedlog Izmjena i dopuna proračuna/budžeta Općine Vareš za 2017. godinu uz Zaključak Komisije za privredu, finansije i budžet.

Nakon izjašnjavanja vijećnika predsjedavajući OV konstatuje da su sa **15 glasova „ZA“ i 3 „SUZDRŽANA“ glasa usvojene**

***Zmjene i dopune proračuna/budžeta Općine Vareš za 2017. godinu.***

**Ad.3.**

*(Prijedlog Odluke o izmjeni Odluke o izvršenju proračuna/budžeta Općine Vareš za 2017. godinu.)*

Komisija za privredu, finansije i budžet na 6. sjednici održanoj 21.11.2017. godine jednoglasno je donijela sljedeći Zaključak:

- Komisija upućuje Vijeću na razmatranje Prijedlog Odluke o izmjeni Odluke o izvršenju proračuna/budžeta Općine Vareš za 2017. godinu.

Otvorena je rasprava u kojoj je učestvovao vijećnik Mario Mirčić i Općinski načelnik koji je u svom obraćanju iznio mišljenje u vezi sugestije vijećnika Maria Mirčić i još jednom prisutne podsjetio na obavezu izmirenja duga, po potpisanom protokolu, prema Poreznoj upravi za doprinose zaposlenika organa uprave Općine Vareš.

Zaključena je rasprava i predsjedavajući OV stavio je na izjašnjavanje Prijedlog Odluke o izmjeni Odluke o izvršenju proračuna/budžeta Općine Vareš za 2017. godinu.

Nakon izjašnjavanja vijećnika predsjedavajući OV konstatuje da je sa **16 glasova „ZA“ i 2 „SUZDRŽANA“ glasa usvojena**

***Odluka o izmjeni Odluke o izvršenju proračuna/budžeta Općine Vareš za 2017. godinu.***

**Ad.4.**

*(Nacrt proračuna/budžeta Općine Vareš za 2018. godinu.)*

Komisija za privredu, finansije i budžet na 6. sjednici održanoj 21.11.2017. godine sa 4 glasa „ZA“ i 1 glasom „PROTIV“ donijela je sljedeći Zaključak:

- Komisija upućuje Vijeću na razmatranje i daljnju proceduru Nacrt proračuna/budžeta Općine Vareš za 2018. godinu.

Općinski načelnik Zdravko Marošević skrenuo je pažnju vijećnicima da će u Prijedlogu Budžeta biti planirane i uvrštene još neke stavke o čemu je dao kratko pojašnjenje, te pozvao sve vijećnike da učestvuju u konačnoj izradi budžeta sa davanjem svojih prijedloga i amandmana.

Otvorena je rasprava u kojoj su svoje stavove, sugestije i mišljenja iznijeli vijećnici: Safeta Muftić, Kruno Ridić, Elvir Rožajac, Emir Islamović, Đemo Kevrić, Mario Mirčić i Općinski načelnik koji je dao odgovore i pojašnjenja na iznesene diskusije vijećnika u raspravi.

Zaključena je rasprava i predsjedavajući OV predložio je i stavio na izjašnjavanje sljedeći prijedlog

#### **Zaključka:**

- 1. Prihvata se Nacrt proračuna/budžeta Općine Vareš za 2018. godinu.**
- 2. Nacrt proračuna/ budžeta Općine Vareš za 2018. godinu iz tačke 1.ovog Zaključka upućuje se na javnu raspravu u trajanju od 15 dana.**
- 2. Zadužuje se Općinski načelnik i nadležna služba za upravu da provedu javnu raspravu u skladu sa aktima OV, i da na osnovu današnje rasprave i prijedloga datih u toku rasprave sačine Prijedlog i isti dostave Vijeću na razmatranje i usvajanje.**
- 4. Sastavni dio prijedloga bit će i Izvještaj o provedenoj raspravi.**
- 5. Ovaj zaključak stupa na snagu danom donošenja.**

Nakon izjašnjavanja vijećnika predsjedavajući OV konstatuje da je **jednoglasno (sa 18 glasova „ZA“)** usvojen predloženi **Zaključak**.

#### **Ad.5.**

*(Nacrt Odluke o izvršenju proračuna/budžeta Općine Vareš za 2018. godinu.)*

Komisija za privredu, finansije i budžet na 6. sjednici održanoj 21.11.2017. godine jednoglasno je donijela sljedeći Zaključak:

- Komisija upućuje Vijeću na razmatranje i daljnju proceduru Nacrt Odluke o izvršenju proračuna/budžeta Općine Vareš za 2018. godinu.

Otvorena je rasprava u kojoj je učestvovala vijećnica Safeta Muftić i predložila izmjene i dopune na Nacrt Odluke.

Ispred ovlaštenog predlagача pomoćnik načelnika Ermin Musa s obzirom da je ova tačka u formi Nacrta, zatražio je od vijećnice da prijedloge za izmjene u Nacrtu Odluke, dostave nadležnoj službi u pismenoj formi.

Nije više bilo učesnika u raspravi i predsjedavajući OV predložio je Vijeću sljedeći prijedlog

#### **Zaključka:**

- 1. Prihvata se Nacrt Odluke u izvršenju proračuna/ budžeta Općine Vareš za 2018. godinu.**
- 2. Nacrt Odluke o izvršenju proračuna/ budžeta Općine Vareš za 2018. godinu iz tačke 1. ovog Zaključka upućuje se na javnu raspravu u trajanju od 15 dana.**

**3. Zadužuje se Općinski načelnik i nadležna služba za upravu da provedu javnu raspravu u skladu sa aktima OV, i da na osnovu današnje rasprave i prijedloga datih u toku rasprave sačine Prijedlog i isti dostave Vijeću na razmatranje i usvajanje.**

**4. Sastavni dio Prijedloga bit će i Izvještaj o provedenoj raspravi.**

**5. Ovaj Zaključak stupa na snagu danom donošenja.**

Nakon izjašnjavanja vijećnika predsjedavajući OV konstatuje da je **jednoglasno (sa 18 glasova „ZA“)** usvojen predloženi **Zaključak**.

Predsjedavajući OV, na traženje predsjednice Kluba SBB Safete Muftić, dao je pauzu u trajanju od 15 minuta.

Nastavljeno je sa radom sjednice.

#### **Ad.6.**

*(Prijedlog Odluke o vrijednosti boda komunalne naknade za 2018. godinu.)*

Komisija za statutarna pitanja i propise na 7. sjednici održanoj 20.11. 2017. godine jednoglasno je donijela sljedeći Zaključak:

- Komisija nema primjedbi na Prijedlog Odluke o vrijednosti boda komunalne naknade za 2018. godinu, te je upućuje Vijeću na razmatranje.

Predlagač nije imao dodatno pojašnjenje za ovu tačku dnevnog reda.

Nije bilo rasprave i predsjedavajući OV stavio je na izjašnjavanje Prijedlog Odluke o vrijednosti boda komunalne naknade za 2018. godine.

Nakon izjašnjavanja vijećnika predsjedavajući OV konstatuje da je sa **17 glasova „ZA“ i 1 „SUZDRŽANIM“ glasom usvojena**

***Odluka o vrijednosti boda komunalne naknade za 2018. godine.***

#### **Ad.7.**

*(Prijedlog Odluke o gubitku statusa javnog dobra u općoj upotrebi.)*

Komisija za statutarna pitanja i propise na 7. sjednici održanoj 20.11. 2017. godine jednoglasno je donijela sljedeći Zaključak:

- Komisija nema primjedbi na Prijedlog Odluke o gubitku statusa javnog dobra u općoj upotrebi, te je upućuje Vijeću na razmatranje.

Predlagač nije imao dodatno pojašnjenje po ovoj tački dnevnog reda.

Nije bilo rasprave i predsjedavajući OV stavio je na izjašnjavanje Prijedlog Odluke o gubitku statusa javnog dobra u općoj upotrebi.



Nakon izjašnjavanja vijećnika predsjedavajući OV konstatuje da je jednoglasno sa **(18 glasova „ZA“)** usvojena

***Odluka o gubitku statusa javnog dobra u općoj upotrebi.***

**Ad.8.**

*(Prijedlog Odluke o zastavi Općine Vareš i načinu njene upotrebe.)*

Komisija za statutarna pitanja i propise na 7. sjednici održanoj 20.11. 2017. godine jednoglasno je donijela sljedeći Zaključak:

- Komisija nema primjedbi na Prijedlog Odluke o zastavi Općine Vareš i načinu njene upotrebe, s tim da se u članu 4. i članu 5. riječ „zgradama“ zamijeni sa riječju „objektima“ i u članu 4. iza riječi „jarbolima“ dodaju riječi „i stubovima“ te je upućuje Vijeću na razmatranje.

Ovlašteni predlagač je prihvatio predložene amandmane.

Općinski načelnik Zdravko Marošević dao je pojašnjenje za ovu tačku dnevnog reda i eventualnim procedurama koje bi trebalo sprovesti u vezi idejnog rješenja izgleda zastave, ukoliko Vijeće ne bude saglasno sa predloženim prijedlogom izgleda zastave Općine Vareš

Otvorena je rasprava u kojoj su učestvovali vijećnici Adis Čizmo i Safeta Muftić.

Nije više bilo učesnika u raspravi i predsjedavajući OV stavio je na izjašnjavanje Prijedlog Odluke o zastavi Općine Vareš i načinu njene upotrebe uz stavove Komisije, sa napomenom da se ovaj Prijedlog Odluke donosi sa dvotrećinskom većinom glasova.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“)** usvojena

***Odluka o zastavi Općine Vareš i načinu njene upotrebi.***

**Ad.9.**

*(Prijedlog Odluke o raspisivanju izbora za članove Savjeta mjesne zajednice Strica-Zaruđe.)*

Komisija za statutarna pitanja i propise na 7. sjednici održanoj 20.11. 2017. godine jednoglasno je donijela sljedeći Zaključak:

- Komisija nema primjedbi na Prijedlog Odluke o raspisivanju izbora za članove Savjeta mjesne zajednice Strica-Zaruđe, te je upućuje Vijeću na razmatranje.

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o raspisivanju izbora za članove Savjeta mjesne zajednice Strica-Zaruđe.

Nakon izjašnjavanja vijećnika predsjedavajući konstatuje da je **jednoglasno sa (18 glasova „ZA“)** usvojena

***Odluka o raspisivanju izbora za članove Savjeta mjesne zajednice Strica-Zaruđe.***

#### **Ad.10.**

*(Prijedlog Rješenja o preuzimanju građevinskog zemljišta od MZ Stupni Do.)*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o preuzimanju građevinskog zemljišta od MZ Stupni Do.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“)** usvojeno

***Rješenje o preuzimanju građevinskog zemljišta od MZ Stupni Do.***

#### **Ad.11.**

*(Prijedlog Zaključka o prihvaćanju Dokumenta –  
„Studija izvodljivosti za zaštitu područja planine Zvijezde, Općina Vareš.“)*

Općinski načelnik Zdravko Marošević u svom obraćanju dao je pojašnjenje za ovu tačku dnevnog reda.

Predsjedavajući OV podsjetio je prisutne na stavove Kolegija OV u vezi ove tačke dnevnog reda.

Otvorena je rasprava u kojoj su svoje stavove, mišljenja i pitanja iznijeli vijećnici: Elvir Rožajac, Kruno Riđić i Općinski načelnik koji je odgovorio na pitanje postavljeno u raspravi i dao dodatno pojašnjenje u vezi obaveza i nadležnosti organa uprave i pojedinih institucija u vezi praćenja daljnje procedure u vezi Dokumenta „Studija izvodljivosti za zaštitu područja planine Zvijezde, Općina Vareš.“

Zaključena je rasprava i predsjedavajući OV stavio je na izjašnjavanje Prijedlog Zaključka o prihvaćanju Dokumenta – „Studija izvodljivosti za zaštitu područja planine Zvijezda, Općina Vareš.“

Nakon izjašnjavanja vijećnika predsjedavajući OV konstatuje da je sa **17 glasova „ZA“ i 1 „SUZDRŽANIM“ glasom usvojen**

***Zaključak o prihvaćanju Dokumenta  
– „Studija izvodljivosti za zaštitu područja planine Zvijezde, Općina Vareš.“***

## Ad.12.

*(Izveštaj o realizaciji Strategije razvoja lokalnih cesta i srednjoročnog programa održavanja, zaštite, rekonstrukcije, izgradnje i obnove javnih cesta. )*

Komisija za obnovu i kapitalna ulaganja na 1. sjednici održanoj 20.11.2017. godine jednoglasno je donijela sljedeći Zaključak:

- Komisija prihvata Izveštaj i upućuje ga Vijeću na razmatranje uz preporuku:
- Da se novoasfaltirane dionice zaštite posebnom uredbom,
- Da se izvrše naknadne popravke nakon sanacije dionica (napravljene štete po osnovu eksploatacije prirodnih bogatstava, da se sačini zapisnik o pričinjenoj šteti i nakon toga pristupi samoj sanaciji),
- Da se utvrdi nosivost asfaltnih dionica i sve propisno označi saobraćajnim znakom,
- Da se radi na kreiranju modusa na sklapanju ugovora sa Šumsko privrednim društvom o sanaciji proizvedenih šteta.

Otvorena je rasprava u kojoj su svoje stavove, prijedloge, primjedbe, pitanja i mišljenja iznijeli vijećnici: Đemo Kevrić (informisao prisutne o uništavanju puteva prilikom prevoza oblovine), (predsjedavajući OV dao je pojašnjenje na diskusiju vijećnika Đeme Kevrića), Kruno Ridić (sugerisao na organizovanju sastanka sa ŠPD u vezi postojećeg problema –oštećenja puteva), Adis Čizmo (predložio je da Vijeće donese zaključak da se uputi dopis ŠPD ZDK da oni pošalju svim svojim poslovnim jedinicama obavijest o maksimalnoj nosivosti-utovaru kamiona 25 m3) i Općinski načelnik koji je u svojoj diskusiji izjavio da će raditi na dogovoru sa ŠPD u vezi rješavanja problema i da će uraditi sve što je u njegovoj mogućnosti i nadležnosti kako bi se došlo do rješavanja problema koji se odnosi na oštećenje puteva prilikom prevoza šumskih sortimenata.

Predsjedavajući OV je na osnovu Zaključka Komisije i diskusije vijećnika predložio da nadležni iz Općine Vareš dogovore sastanak sa Upravom ŠPD ZDK na kome bi se iznijeli interesi od strane Općine Vareš i sa menadžmentom ŠPD razmotrila mogućnost nabavke mehanizacije. O istom je dao pojašnjenje.

U daljnjoj raspravi je učestvovao zamjenik predsjedavajućeg OV Nikola Šimić koji je sugerisao da svako radilište ŠPD prijavi, sačini zapisnik o stanju radilišta i po okončanju radova, ukoliko je došlo do oštećenja puteva i sl., da se izvrši sanacija.

Općinski načelnik u svom obraćanju iznio je mišljenje o prijedlozima iznesenim u raspravi i izjavio da podržava prijedlog da se organizuje sastanak sa ŠPD ZDK na kome bi se iznijeli zaključci Vijeća a sve u svrhu iznalaženja rješavanja tekućeg problema. O istom je dao pojašnjenje.

Nije više bilo učesnika u raspravi i predsjedavajući OV zaključio je raspravu.

Predsjedavajući OV stavio je na izjašnjavanje Izveštaj o realizaciji Strategije razvoja lokalnih cesta i srednjoročnog programa održavanja, zaštite, rekonstrukcije, izgradnje i obnove javnih cesta uz Zaključke Komisije za obnovu i kapitalna ulaganja i prijedlog zaključka Vijeća da se održi sastanak sa ŠPD ZDK.

Nakon izjašnjavanja vijećnika predsjedavajući OV konstatuje da su **jednoglasno sa (18 glasova „ZA) usvojeni**

*Izveštaj o realizaciji Strategije razvoja lokalnih cesta i srednjoročnog programa održavanja, zaštite, rekonstrukcije, izgradnje i obnove javnih cesta i sljedeći:*

### *Zaključci*

- **Da se novoasfaltirane dionice zaštite posebnom uredbom,**
- **Da se izvrše naknadne popravke nakon sanacije dionica (napravljene štete po osnovu eksploatacije prirodnih bogatstava, da se sačini zapisnik o pričinjenoj šteti i nakon toga pristupi samoj sanaciji),**
- **Da se utvrdi nosivost asfaltnih dionica i sve propisno označi saobraćajnim znakom,**
- **Da se radi na kreiranju modusa na sklapanju ugovora sa Šumsko privrednim društvom o sanaciji proizvedenih šteta.**
  
- **Da Općina Vareš održi sastanak sa ŠPD ZDK na kome bi se iznijeli interesi Općine Vareš i razmotrila mogućnost nabavke mehanizacije za potrebe ŠPD, kao i mogućnost ojačavanja JKP d.o.o. Vareš sa tehničkim sredstvima za održavanje puteva.**

### **Ad.13.**

*(Izveštaj o realizaciji programa rekonstrukcije, izgradnje i obnove lokalnih cesta za 2017. godinu. )*

Komisija za obnovu i kapitalna ulaganja na 1. sjednici održanoj 20.11.2017. godine jednoglasno je donijela sljedeći Zaključak:

- Komisija prihvata Izveštaj s tim da se uradi tehnička ispravka na str.1 i upućuje ga Vijeću na razmatranje.

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj o realizaciji programa rekonstrukcije, izgradnje i obnove lokalnih cesta za 2017. godinu.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) usvojen**

***Izveštaj o realizaciji programa rekonstrukcije, izgradnje i obnove lokalnih cesta za 2017. godinu***

### **Ad.14.**

*(Informacija o realizaciji projekta infrastrukture na području općine Vareš za 2017. godinu. )*

Komisija za obnovu i kapitalna ulaganja na 1. sjednici održanoj 20.11.2017. godine jednoglasno je donijela sljedeći Zaključak:

- Komisija je primila k znanju Informaciju o realizaciji projekata infrastrukture na području općine Vareš za 2017. godinu.

Ispred ovlaštenog predlagača pomoćnik načelnika Ermin Musa izvijestio je Vijeće da pod tačkom 3. u Informaciji –rekonstrukcija dijela regionalnog puta- navedeno je da je put

završen, međutim na jednom dijelu puta je prekinuto sa radovima, jer se nisu stekli uslovi da se može izvršiti asfaltiranje. Radovi će biti nastavljeni na proljeće.

Nije bilo rasprave po ovoj tački dnevnog reda i predsjedavajući OV konstatuje uz Zaključak da je **Vijeće primilo k znanju**

***Informaciju o realizaciji projekta infrastrukture  
na području općine Vareš za 2017. godinu***

**Ad.15.**

*(Informacija o realiziranim projektima deminiranja  
kao i preostaloj sumnjivoj površini na području općine Vareš. )*

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoje stavove, pitanja i mišljenja iznijeli vijećnici: Kruno Ridić, Nedžad Mušanović, Elvir Rožajac i Općinski načelnik koji je u svom obraćanju odgovorio na pitanja i dao dodatno pojašnjenje za ovu tačku dnevnog reda i upoznao prisutne sa pokrenutim aktivnostima u vezi deminiranja na području općine Vareš.

Zaključena je rasprava i predsjedavajući OV konstatuje uz Zaključak da je **Vijeće primilo k znanju**

***Informaciju o realiziranim projektima deminiranja kao  
i preostaloj sumnjivoj površini na području općine Vareš.***

**Ad.16.**

*(Informacija o postignutom uspjehu u školskoj 2016/2017. godini u OŠ „Vareš“, OŠ  
„Vareš Majdan i MSŠ „Nordbat-2“ Vareš. )*

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoje stavove i mišljenja iznijeli vijećnici: Kruno Ridić, Branko Romić (predložio da se uputi dopis-inicijativa Ministarstvu obrazovanja ZDK u iznalaženju modusa upošljavanja domaćeg kadra, dao je pojašnjenje o istom), Elvir Rožajac i Mario Mirčić.

Predsjedavajući OV je na osnovu diskusije i prijedloga vijećnika Branka Romića predložio da vijećnik Branko Romić za narednu sjednicu Vijeća, pripremi prijedlog u formi Inicijative, da se uputi Ministarstvu obrazovanja s ciljem iznalaženja modusa upošljavanja domaćeg kadra.

Općinski načelnik u svom obraćanju pohvalio je rad škola na području općine Vareš i iznio svoje mišljenje u vezi problematike zapošljavanja.

Zaključena je rasprava i predsjedavajući OV konstatuje uz Zaključak da je **Vijeće primilo k znanju**

***Informaciju o postignutom uspjehu u školskoj 2016/2017. godini  
u OŠ „Vareš“, OŠ „Vareš Majdan i MSŠ „Nordbat-2“ Vareš***

## Ad.17

(Tekuća pitanja)

1. Predsjedavajući OV upoznao je Vijeće sa Inicijativama dostavljenim od Općinskog načelnika i to:

a) Inicijativa za zadržavanje postojeće kategorije magistralne ceste II reda M214 Ribnica-Podkamensko-Vareš-Breza-Podlugovi, broj: 02-1449/17 od 28.11.2017. godine

b) Inicijativa za prekategorizaciju lokalne ceste Visoko-Gračanica-Prhinje-Breza u regionalnu cestu II reda, broj: 02-1450/17 od 28.11.2017. godine.

Općinski načelnik javio se za riječ i dao dodatno pojašnjenje za predložene Inicijative, te naglasio da i će Općina Breza uputiti iste Inicijative prema nadležnim institucijama jer su od velikog značaja i za općinu Breza a i za općinu Vareš.

Za riječ se javio vijećnik Elvir Rožajac i iznio svoje mišljenje.

Nije više bilo učesnika u raspravi i predsjedavajući OV, na osnovu podnesenih Inicijativa od strane Općinskog načelnika, stavio je na izjašnjavanje sljedeće

### Zaključke:

a) **Općinsko vijeće Vareš pokreće inicijativu prema Federalnom ministarstvu prometa i komunikacija, za zadržavanje postojeće kategorije magistralne ceste II reda M214 Ribnica-Podkamensko-Vareš-Breza –Podlugovi.**

Traži se od Federalnog ministarstva prometa i komunikacija da u trenutnoj fazi pripreme nove ili izmjene postojeće Odluke o kategorizaciji cesta u autoceste i brze ceste, magistralne ceste i regionalne ceste (Službene novine Federacije BiH, broj: 24/14) kao nosioca ovih aktivnosti, da magistralna cesta II reda M214 Ribnica – Podkamensko – Vareš – Breza – Podlugovi zadrži ovu kategoriju.

b) **Općinsko vijeće Vareš pokreće inicijativu prema Ministarstvu za prostorno uređenje, promet i komunikacije i zaštitu okoline Zeničko-dobojskog kantona, za prekategorizaciju lokalne ceste Visoko-Gračanica-Prhinje-Breza u regionalnu cestu II reda.**

Traži se od Ministarstva za prostorno uređenje, promet i komunikacije i zaštitu okoline Zeničko-dobojskog kantona da u trenutnoj fazi pripreme nove ili izmjene postojeće Odluke o kategorizaciji cesta u autoceste i brze ceste, magistralne ceste i regionalne ceste (Službene novine Federacije BiH, broj: 24/14) predloži Federalnom ministarstvu prometa i komunikacija kao nosiocu ovih aktivnosti da se postojeća lokalna cesta Visoko – Gračanica – Prhinje – Breza prekategorise u regionalnu cestu II reda“.

Nakon izjašnjavanja vijećnika predsjedavajući OV konstatuje da su predloženi **Zaključci o Inicijativama jednoglasno sa (18 glasova „ZA“) usvojeni.**

(Usvojeni Zaključci sa Inicijativama i obrazloženjem nalaze se u materijalu 12. sjednice OV)

2. Predsjedavajući OV upoznao je Vijeće sa Molbom Caffè bar „Macho“ od 29.11.2017. godine u kojoj se traži iznalaženje problema parkinga kod ugostiteljskog objekta.

Općinski načelnik u svom obraćanju upoznao je prisutne da se već dugo razgovara sa privrednicima i građanima u vezi problema nedostatka parking prostora. Skrenuo je pažnju da

postoje odluke Općinskog vijeća koje regulišu tu materiju i da u skladu sa tim odlukama nadležni trebaju i da postupaju. Svako nepridržavanje i nepoštivanje propisa Općinskog vijeća povlači i odgovornost. O istom je dao pojašnjenje.

Predsjedavajući OV u svoje lično ime i u ime Općinskog vijeća čestitao je svim vjernicima katoličke vjeroispovijedi Adventske dane i nadolazeći blagdan Božić.

Sastavni dio ovog Zapisnika je audio zapis sjednice.

Sjednica je završena u 19,00 sati.

***SEKRETAR***

**Leon Pavlović**

***PREDSJEDAVALJUĆI  
OPĆINSKOG VIJEĆA***

***ZAPISNIČAR***

**Azra Ibrahimović**

**Kenan Kamenjaš**